



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ

## ՀՐԱՄԱՆ

No 02-Պ12

«05» հունիսի 2026 թ.

**2026 ԹՎԱԿԱՆԻ 1-ԻՆ ՔՆՆԱՇՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍՏԵՌՆ)  
ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ  
ԱՇԽԱՏԱԿԱՐԳԸ ԵՎ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ**

Ղեկավարվելով Հայաստանի Հանրապետության կրթության և գիտության նախարարի 2010 թվականի հոկտեմբերի 14-ի N 1507-Ն հրամանի 22-րդ կետի, 23-րդ կետի, 26-րդ կետի 1-ին ենթակետի և 26.1 կետի պահանջներով

### ՀՐԱՄԱՅՈՒՄ ԵՄ

1. Հաստատել «2026 թվականի 1-ին քննաշրջանի դրսեկության ձևով (էքստեռն) ավարտական քննությունների կազմակերպման և անցկացման աշխատակարգը և ժամանակացույցը՝ համաձայն N 1 և N 2 հավելվածների:
2. Քրեակատարողական հիմնարկներում ազատազրկման ձևով պատիժ կրող դատապարտյալների համար 2026 թվականի 1-ին քննաշրջանի դրսեկության ձևով (էքստեռն) ավարտական քննությունների կազմակերպման և անցկացման համար առաջարկել՝ «Իրավական կրթության և վերականգնողական ծրագրերի իրականացման կենտրոն» պետական ոչ առևտրային կազմակերպության տնօրենին ձևավորել հանձնաժողով և անցկացնել 2026 թվականի 1-ին քննաշրջանի դրսեկության ձևով (էքստեռն) ավարտական քննություններ՝ համաձայն N 1 և N 2 հավելվածների:
3. «Գնահատման և թեստավորման կենտրոն» պետական ոչ առևտրային կազմակերպության տնօրենին առաջարկել 2026 թվականի 1-ին քննաշրջանի համար

Դրսեկության ձևով (էքստեռն) ավարտական քննություններ անցկացնել «Երևանի թիվ 198 ավագ դպրոց» պետական ոչ առևտրային կազմակերպությունում և քրեակատարողական հիմնարկներում ազատագրկման ձևով պատիժ կրող դատապարտյալների համար կազմել գրավոր քննությունների թեստերը:

4. Դրսեկության ձևով (էքստեռն) ավարտական քննություններն անցկացնել 2026 թվականի փետրվարի 16-ից մինչև մարտի 13-ը ներառյալ:

5. Սույն հրամանի կատարման ապահովումը հանձնարարել նախարարության հանրակրթության վարչության պետին:

6. Սույն հրամանի կատարման հսկողությունը վերապահել Կրթության, գիտության, մշակույթի և սպորտի նախարարի տեղակալ Արաքսիա Սվաջյանին:

ՆԱԽԱՐԱՐ՝

Ժ.ԱՆԴՐԵԱՍՅԱՆ

1/5/2026



ԺԱՆՆԱ ԱՆԴՐԵԱՍՅԱՆ

Signed by: ANDREASYAN ZHANNA 6402810169

Կրթության, գիտության, մշակույթի  
և սպորտի նախարարի  
2026թ. հունվարի 5-ի N 02-ՆՀ հրամանի

## ԱՇԽԱՏԱԿԱՐԳ

### 2026 ԹՎԱԿԱՆԻ 1-ԻՆ ՔՆՆԱՇՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍԵՌՆ) ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ

1. Հիմնական կրթության վկայական ստանալու համար դրսեկները 2026 թվականի 1-ին քննաշրջանի ընթացքում «Հայոց լեզու», «Մաթեմատիկա», «Ֆիզիկա», «Քիմիա», «Կենսաբանություն», «Հայաստանի աշխարհագրություն», «Աշխարհագրություն», «Համաշխարհային պատմություն» առարկաների քննությունները հանձնում են գրավոր:

1) Քննական թեստերը կազմում է «Գնահատման և թեստավորման կենտրոն» պետական ոչ առևտրային կազմակերպությունը (այսուհետ՝ ԳԹԿ)՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն», «Ռուս գրականություն» (ռուսերենով ուսուցում ստացած դրսեկների համար), «Օտար լեզու» («Անգլերեն», «Ֆրանսերեն», «Գերմաներեն», այլ լեզուներ՝ սովորողի ընտրությամբ), «Հայաստանի պատմություն», «Գրականություն», «Ռուսաց լեզու» առարկաների քննությունները հանձնում են բանավոր: «Ֆիզկուլտուրա» առարկայից հանձնում են ստուգարք (նորմատիվների հանձնում): Քննական հարցատոմսերը կազմում են էքստեռն քննություններ ընդունող դպրոցի (այսուհետ՝ Դպրոց) համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից, գնահատման 10 բալային համակարգով:

2. Միջնակարգ կրթության ատեստատ ստանալու համար դրսեկները 2026 թվականի 1-ին քննաշրջանի ընթացքում «Ֆիզիկա», «Քիմիա», «Կենսաբանություն», «Աշխարհագրություն», «Հայաստանի պատմություն», «Մաթեմատիկա», «Հայոց լեզու և հայ գրականություն» «Ռուսաց լեզու», «Համաշխարհային պատմություն», Օտար լեզու

(անգլերեն, ֆրանսերեն, գերմաներեն, այլ լեզուներ՝ սովորողի ընտրությամբ), առարկաների քննությունները հանձնում են գրավոր:

1) Քննական թեստերը կազմում է ԳԹԿ-ն՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն», «Ռուս գրականություն» (ռուսերենով ուսուցում ստացած դրսեկների համար) առարկաների քննությունները հանձնում են բանավոր: «Ֆիզիկուլտուրա» առարկայից հանձնում են ստուգարք (նորմատիվների հանձնում): Քննական հարցատոմսերը կազմում են Դպրոցի համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից՝ գնահատման 10 բալային համակարգով:

3. Դրսեկության ձևով (ավարտական՝ ուսումնական պլաններով նախատեսված առարկաներից) քննությունները դրսեկները հանձնում են համաձայն ժամանակացույցի:

4. Հարցատոմսերով կազմակերպվող բանավոր քննությունների անցկացման ժամանակ յուրաքանչյուր դրսեկ վիճակահանությամբ ստանում է առանձին առաջադրանք (հարցատոմս): Դրսեկը, բանավոր քննություններին նախապատրաստվելիս կարող է կատարել գրավոր համառոտագրում:

Դրսեկության ձևով քննությունների արձանագրությունները և գրավոր աշխատանքները պահպանվում են դպրոցում, ավարտական փաստաթղթերը ստանալուց հետո՝ մեկ տարի:

5. Հիմնական կրթության վկայականում և միջնակարգ կրթության ատեստատում ավարտական և պետական ավարտական քննական առարկաները գնահատվում են 20 բալային համակարգով, իսկ տարեկան գնահատականները նշանակվում են՝ 20 բալային համակարգից գնահատականները վերածելով 10 բալային համակարգի:

Բանավոր քննությունները գնահատվում են 10 բալային համակարգով և համարվում են տարեկան գնահատականներ:

6. Գնահատականները գրանցելիս գնահատման 20 բալային համակարգից 10 բալային համակարգին անցման համապատասխանությունը կատարվում է համաձայն հետևյալ սանդղակի՝

10-11 միավոր– 5

18-19 միավոր-9

12-13 միավոր– 6

20 միավոր-10

14-15 միավոր – 7

7. Դրսեկության ձևով (էքստեռն) ավարտական քննությունները կազմակերպելու և անցկացնելու գործընթացը վերահսկվում է Կրթության, գիտության, մշակույթի և սպորտի նախարարության կողմից:

Դրսեկության ձևով (էքստեռն) ավարտական քննությունները կազմակերպվում են Հայաստանի Հանրապետության կրթության և գիտության նախարարի 2010 թվականի հոկտեմբերի 14-ի N 1507-Ն հրամանով հաստատված «Դրսեկության ձևով (էքստեռն) փոխադրական և ավարտական քննություններ կազմակերպելու» կարգի և սույն աշխատակարգի պահանջների համաձայն:

ՀՀ կրթության, գիտության, մշակույթի և սպորտի նախարարի  
2026 թ. հունվարի 5-ին ՁԶ-ՊՁ հրամանի

**ԺԱՄԱՆԱԿԱՑՈՒՅՑ**

**2026 ԹՎԱԿԱՆԻ 1-ԻՆ ՔՆՆԱՇՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍԵՌՆ)**

**ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ**

**1. ՀԻՄՆԱԿԱՆ ԿՐԹՈՒԹՅԱՆ ՎԿԱՅԱԿԱՆ ՍՏԱՆԱԼՈՒ ՀԱՄԱՐ**

	<b>Առարկա</b>	<b>քննության անցկացման եղանակը</b>	<b>քննությունների անցկացման օրերը</b>
1.	Ֆիզկուլտուրա	ստուգարք  (նորմատիվների հանձնում)	16.02.2026թ.
2.	Հայոց լեզու	գրավոր	17.02.2026թ.
3.	Մաթեմատիկա	գրավոր	19.02.2026թ.
4.	ՆԶՊ և անվտանգ կենսագործունեություն	բանավոր	20.02.2026թ.
5.	Հայաստանի աշխարհագրություն	գրավոր	23.02.2026թ.
6.	Հասարակագիտություն	բանավոր	24.02.2026թ.
7.	Կենսաբանություն	գրավոր	26.02.2026թ.
8.	Ֆիզիկա	գրավոր	27.02.2026թ.
9.	Քիմիա	գրավոր	02.03.2026թ.
10.	Հայաստանի պատմություն	բանավոր	03.03.2026թ.
11.	Ինֆորմատիկա /Թվային	բանավոր	05.03.2026թ.

	գրագիտություն և համակարգչային գիտություն /		
12.	Համաշխարհային պատմություն	գրավոր	06.03.2026թ.
13.	Օտար լեզու (անգլերեն, ֆրանսերեն, գերմաներեն)	բանավոր	09.03.2026թ.
14.	Ռուսաց լեզու	բանավոր	10.03.2026թ.
15.	Աշխարհագրություն	գրավոր	11.03.2026թ.
16.	« Ռուս գրականություն » (ռուսերենով ուսուցում ստացած դրսեկների համար)	բանավոր	12.03.2026թ.
17.	«Գրականություն»	բանավոր	13.03.2026թ.

\*Քննությունների սկիզբը ժամը՝ 13:00-ին:

### 1. ՄԻՋՆԱԿԱՐԳ ԿՐԹՈՒԹՅԱՆ ԱՏԵՍԱՏ ՍՏԱՆԱԼՈՒ ՀԱՄԱՐ

	Առարկա	քննության անցկացման եղանակը	քննությունների անցկացման օրերը
1.	Ֆիզկուլտուրա	ստուգարք (նորմատիվների հանձնում)	16.02.2026թ.
2.	Հայոց լեզու և հայ գրականություն	գրավոր	17.02.2026թ.
3.	ՆՁՊ և անվտանգ կենսագործունեություն	բանավոր	20.02.2026թ.
4.	Մաթեմատիկա	գրավոր	19.02.2026թ.
5.	Հասարակագիտություն	բանավոր	24.02.2026թ.
6.	Կենսաբանություն	գրավոր	26.02.2026թ.
7.	Ֆիզիկա	գրավոր	27.02.2026թ.

8.	Քիմիա	գրավոր	02.03.2026թ.
9.	Հայաստանի պատմություն	գրավոր	03.03.2026թ.
10.	Ինֆորմատիկա /Թվային գրագիտություն և համակարգչային գիտություն /	բանավոր	05.03.2026թ.
11.	Համաշխարհային պատմություն	գրավոր	06.03.2026թ.
12.	Օտար լեզու (անգլերեն, ֆրանսերեն, գերմաներեն)	գրավոր	09.03.2026թ.
13.	Ռուսաց լեզու	գրավոր	10.03.2026թ.
14.	Աշխարհագրություն	գրավոր	23.02.2026թ.
15.	«Ռուս գրականություն» (ռուսերենով ուսուցում ստացած դրսեկների համար)	բանավոր	12.03.2026թ.

\*Քննությունների սկիզբը ժամը՝ 11:00-ին: